

永春縣志卷二十

文苑傳

序曰自秦漢訖于近世文辭流別及其本末精粗前人論之詳矣要之盛衰由時工拙在人故詩書稱三代而皋且爲首焉詞賦稱楚漢而屈宋爲首焉詩歌稱三唐而李杜爲首焉析理則孟荀擅能述事則馬班造極辯說莫雄於儀秦奏對莫明於賈晁觀其根柢故訓樵寫物情無闒昧之意鄙倍之詞雖隔越千載而如相告語焉可謂至矣所謂修辭立其誠也若夫徐庾之倫詞豐而義嗇充劭之輩義辯而辭俚蓋以矜誇流俗取便酬對非立言不朽之旨矣類而推之雖百世可知也永春自盛刺

永春縣志

卷二十

文苑傳

一

史均以敏贍雄一時繼其後者代有聞人雖有至有不至要其善者固斐然可觀也然無好事者爲之總最抉擇如晉摯虞梁蕭統之爲者琬琰灰塵散無友紀惜哉今自陳氏保極以下錄而次之備文苑之崖略而稽其遺著大都等諸酒誥俄空求如昭州之猶以旱解龍對得存於文粹者蓋什無二三也嗚呼唏矣

五代 宋

陳保極和風里人字天錫好學善屬文後唐天成三年第進士秦王從榮聞其名辟爲從事從榮素急暴嘗怒保極不告出遊宰相門鞭辱之出爲定州推官從榮敗執政知其屈擢居三署

歷禮部倉部員外郎賜金紫長興三年授大理評事充武義軍節度使掌書記晉天福七年授尚書左司員外郎初桑維翰登第保極戲爲同輩曰近及第三人有半蓋是年進士四人而維翰短陋故保極誚之維翰聞而銜焉及維翰居相位保極心不自安乞假南遊將謀退隱會襄鄧長吏以保極行止入奏維翰譖之高祖曰閩人多狡恐逃淮海此國家之憂也詔追赴闕將下臺鍛成其事同列李崧極力掄解乃令有司就所居鞫之貶爲衛尉寺丞奪金紫尋復爲倉部員外郎竟銜憤而卒保極詩賦震一時有含華葆光握蛇吐鳳之譽然好傲人而性吝生平得祿未嘗奉身日食蔬食及卒囊中金悉爲他人所有弟元亮

永春縣志

卷二十

文苑傳

二

仕江南亦以文學名後主稱爲二英陳元愷作永春建縣記有詩人賦客則職方名捷梁園行軍聲騰江左之語蓋美保極兄弟也所居地今猶名英宅

參省志

黃豫字伯奮

里人少穎悟文名藉甚景祐初試房心爲明

堂賦及第官祕書省校書郎善爲詩有集行世

顏孝初慕仁里人嘉祐四年第進士初廷對有升黜孝初凡兩中南宮以文名世尤長於詩仕終祕書郎孫應時乾道間進士精易義爲經學師褒不仕 褒字唯庵亦邃經學詞藻豐瞻書法尤精嘗歲晚爲吏索逋褒方講杜詩笑謂吏且候講畢因誦昌黎句曰玉川先生洛城裏破屋數間而已矣殊不經意陳知

柔題涵清閣云追憶唯菴真可人詩成咳唾筆如神有景慕如此南渡後有棫尤知名 棫字叔堅淳熙七年領鄉薦入太學十二年上舍兩優釋爲温州判官除國子正給禮與吳獵項安世齊名時號三雋由二館兼兩宮舍人知池州以治辦聞提舉江東常平救荒績最召還爲宗正少卿俄遷中書舍人兼直翰林時加慈福尊號且建長秋典冊叢委皆出其手雅麗有體接伴賀正使誦其文曰此內翰顏先生作耶其爲外國敬慕若此進吏部侍郎權工部尙書年五十二卒棫少受學於傅伯壽旣而師生對掌內制一時榮之所著有禮記解內外制奏議詩文四十卷棫以文學名世惟晚節阿韓侂胄草制褒許過當爲士

永春縣志

卷二十

文苑傳

三

論所薄子宗老終隆興府通判

明

劉天騏字國祥昭善里人少聰敏博學能文嘉靖間以歲貢赴京師與文徵明遊以詩賦相引重名噪吳下歸徵明以詩贈之後選教職不就卒於家

謝鳴珂字爾飭福德里人性最敏讀書日數行下爲諸生時有客來謁劇談多所未聞鳴珂疑爲神叩以休咎答曰九九再相逢二魚上竹間初不識其解及鄉闈號舍適呂字九十九號因悟所遇唐呂巖也得舉後就銓得衡州府之衡陽乃歎曰功名盡於此矣秩滿告歸養母有惠政衡陽人立祠祀之

清

黃鵬揚字遠狝

舊志作字奔奮今據其手稿改

少負異才豪宕不羈飲酒賦詩

家僅壁立弗計也爲今古文皆自闢蹊徑奇肆奧衍不肯一語猶人晚乃舉順治丁酉鄉闈赴選世祖召見以年老賜七品服歸卒年八十餘鵬揚所著經說史辨諸書近百卷俱未刊其行於世者僅詠史詩數十篇乃少年游戲之作似小說彈詞顏疇嘗評糾其舛謬數事不知非其意所存也制舉文詭誕如王自超章金牧族裔道生亦能文而好奇者也嘗稱之書具存

顏鴻逵慕仁里人天性孝友爲文以博雅稱順治甲午舉於鄉子楨暹聰敏過目成誦歷久不忘與從兄遊江西遂著籍焉由

永春縣志

卷二十

文苑傳

四

玉山縣附生領康熙壬子鄉薦父子俱以文名於時同時有郭元弈者由歲貢選教諭設帳授徒亦以制舉文推爲宗匠
宋祖墀字爾御儒林里人幼孤力學文名震一時登康熙庚戌進士性質樸詩書外無他嗜耿精忠反祖墀時在家有司以僞命徵之匿不就蓋本無宦情也同里人邱揚昌亦以能文孝友稱由歲貢選教職未赴卒

潘遠載字貞侯安仁里人乾隆間由歲貢選訓導以詩古文鳴於鄉倫紀修飭從遊日衆所著有讀韓蠡測讀史愚管等書同時有周清時蔣應春顏亮俱以博雅能文爲時流所宗仰而亮備通諸經才尤敏給鄉試以額溢置副榜卒年僅三十餘士林

惜之

林作舟字楫傳慕仁里之霞陵人曾祖邵楷由廩貢歷任福清崇安教職以知人能得士稱作舟家世讀書於經義外博涉羣籍兼研騷選詩賦雜文皆有師法故能鎔鑄今古自名一家爲人沈潛孤詩不慕榮利家雖貧乏豁如也舉乾隆己卯鄉闈里居不仕然性耽山水遊每吟咏以見志嘗登大鵬山作賦一篇爲藝林所傳誦時尚有陳璜黃元璵俱善賦詠有詩文流傳於世失其里居科目故未爲傳

章夏時號船峯民蘇里之姜程人所居僻遠家酷貧而才學出衆鄰儒郭高夢授之學高夢屢試不售而夏時試輒冠其曹爲永春縣志

卷二十 文苑傳

五

名諸生舉庚辰鄉闈第六人時年五十餘矣工制舉業詞理精粹詩古文駢體亦自成家數所傳帽頂賊紀事詳實有矩度尤時藝家所罕覲制行端嚴守己樂道今子孫雖農樸而口絕謾語足徵遺澤之遠矣同里林露濃字孔特幼能詩有驚人語舉庚寅鄉闈受知於朱筠會試報罷留都充四庫全書寫錄敘選知縣請改教職卒有詩集

林爲楫作舟同族有異才善屬文由拔貢生舉乾隆癸卯鄉闈第五名歷閩縣平和鳳山訓導仙遊教諭遷福寧教授爲楫出朱珪門下爲學制行以珪爲模範所至士望多歸之知州鄭一崧重修州志以爲楫與顏濤同任總纂而爲楫實專其成所著

有詒經堂稿雪篷詩集慎餘集

林玉瑛字采傳號棣園昇平里之蓬壺人祖父皆諸生玉瑛少而穎異博涉典籍工書駢散文俱有矩度舉嘉慶丁卯鄉闈歷侯官長泰南安教諭同族人士鏘廷樞爾裕皆知名 士鏘字夏步與弟士鑛皆諸生博學能文倫紀修飭士鑛早卒士鏘撫其孤若己出鄉閭稱之所著有觀懷堂回文詩餘等集 廷樞字拱北乾隆間舉經明行修之士廷樞與焉里有爭訟廷樞多爲排解會道使者以巨案抵鄉勘問衆避匿廷樞挺身白其事案遂結村閭賴之三子皆廩生 爾裕善草書以孝友稱

王士鑛字

常安里之東熙人少穎異過目成誦詩文敏給

永春縣志

卷二十

文苑傳

六

乾隆己亥舉於鄉出鄭一崧之門一崧知永春遂與士鑛結文字交暇卽唱和無虛日修州志士鑛與焉羣從有道清元熾欣然重華三錫皆知名 道清以春秋學舉乾隆丁酉鄉闈第四人文章淵博主司激賞稱其有橫掃一切之概 元熾乾隆庚寅舉人於經史子集皆稱淹貫尤好易義 欣然重華三錫皆嘉慶間舉人有文名欣然再會試以溺海卒重華三錫皆歷任訓導教諭終於家

李祥愷字實甫儒林里人才學過人尤長詩賦淵博古雅出入於騷選六朝爲諸生名籍甚歷任學使者皆禮遇之道光己酉拔貢生時主試者爲彭蘊章稱爲蒞閩僅見晚掌教梅峯書院

所著有賦草諸宿儒尙能舉其詞

陳佩韋字義昌號韻蘭城西人家世寒微十數歲尙未就學父友某愛其穎悟資入塾逾年卽以能文冠其曹未冠補弟子員學使徐樹銘異焉以翰苑才目之試畢召諸生命言志佩韋對曰願立身行道揚名後世樹銘壯其語而歎其寡學也曰再讀十年書可語此矣今未也歸朝後每僚案提學福建輒寄聲吾門生永春狂士陳佩韋勉其力學十年後來此相見其愛重而欲策勵之如此佩韋事親孝家素貧署所居爲筆耕堂授徒自給知州翁學本重其人每興造皆使董之又命往福州習音樂歸而教樂生備佾舞學宮禮儀秩如也因贈匾曰功宣鬢序好

永春縣志

卷二十

文苑傳

七

水利自督匠造機欲藉以溉田多所丐貸然費絀卒無成功有三子長夢蘭最慧而殤佩韋痛之甚遂自放不復赴鄉闈終恩貢生晚掌教梅峯書院遇後生穎異者輒勸之多讀書就名師以己失學爲鑒喜爲詩以杜甫爲楷式與鄭尙志鄭煥光交最篤才調亦相類而朗健過之有弘正間何李遺風書學蘇軾亦以健勝卒吳佐熙爲州同與佩韋素厚爲文悼之自詣其家致祭尙志字介生慕仁里人豪放不羈二十餘歲纔讀書工詩賦善飲酒揚善遏惡以風教自任不合者雖前輩亦面斥之不少貸以故俗流多以狂目之其得謗譽甚於佩韋然倫紀修飭尤篤交誼有古俠士風爲文自抒胸臆不屑揣摩時趨鮮能知

者以諸生終有三覺草廬集長子鍾廩生次子欽附貢孫玉輝
優貢生 煥光字筱銘與佩韋同里善行草由拔貢生選授知
縣以親老告近發廣東候補屢委筦征權賑饑俱以廉幹稱爲
人和而介大吏及僚窠皆敬禮之知吳川縣纔抵署卒篋無餘
財賴同僚賻贈歸其喪

陳邦詹字魯所安平里之小姑村人咸豐己丑舉於鄉晚年不
事進取掌教梅峯書院以忠厚爲鄉里所推重其爲文不矜才
氣和平溫厚宛然盛世之音也族姪益謙字牧卿篤學工書光
緒乙酉拔貢其治行與邦詹相類

林汝南字品孝霞陵人佐經之孫也咸豐辛丑拔貢生掌教鵬

永春縣志

卷二十

文苑傳

八

山書院壹志教授不與外事有詩集二卷子

諸生旅遊吉

林往來京津間多與知名士交其族人省三亦諸生好爲詩僑
寓馬來半島年老歸里日以吟詠自娛卒有詩稿若干卷

潘鴻儀字嗣騰安仁里之卓埔人弱冠爲諸生羸弱多病而姿
質敏慧雖舉業亦以古文行之年未四十卒其後有顏良謀李
玉琳陳祥雲許清衡皆以敏慧能文名於時而俱不永年爲士
林所悼惜 良謀慕仁里人副貢良謨從弟也過目成誦援筆
數千言立就而年未四十以諸生終 祥雲鼇峯社人宋休齋
先生裔也爲諸生時年纔成童名輩長於鄭翹松而厭科舉文
齷齪欲求經史根柢之學自省城歸偕周騰雲林志伊輩下榻

大鵬山齋中師事焉喜爲詩有鷺鷥飛過江天暮疎雨淡煙一
釣航之句同時學詩者均激賞之以爲有大曆十子風韻卒年
僅二十五 玉琳與鴻儀同里少二歲永春故無言漢儒詰訓
之學者阮元督粵時所刻學海堂經解風行海內百餘年永士
未嘗購閱數十年來惟郭奇芬嘗講論焉此外絕鮮玉琳爲諸
生後赴省闈得是書歸時對其同舍生言之多以爲違功令且
其書浩繁非家富而質敏者不能購亦不能讀也惟鄭翹松贊
同之擬求原刊本擇靜廬研習卒業未就而玉琳遘疫卒後翹
松出遊海外過廣州得書以歸而玉琳不及見矣 清衡城中
興境許內街歲貢生繩其長子十數歲就學州立高等小學舉
永春縣志

卷二十

文苑傳

九

止言論如成人爲文雄健有氣魄論者謂將來成就必過其父
遠甚無何得疾卒僅十七歲同校生潘節文余逢時俱以穎異
稱在里塾時能背誦十三經節文能詩諸先輩均激賞之尋節
文以從軍戰沒而逢時以早與政治爲奸人所告發戮於福州
後清衡死纔數年